

DIE XXV. OCTOBRIS.

330

IN F E S T O

SANCTI FRUCTI
CONFESSORIS,

ET ECCLESIAE SEGOVIENSIS PATRONI.

D U P L E X.

A D V E S P E R A S.

Ant. Dicitur Fructo, cum
reliquis de Laudib. Psalm. Dixit
Dominus, cum reliquis de Do-
minica, & loco ultimi Psalm.
Laudate Dominum omnes
gentes.

Capitulum. Eccles. 45.

Dilectus Deo, & homi-
nibus, cujus memo-
ria in benedictione est: simi-
lem illum fecit in gloria
Sanctorum, & magnificavit
eum in timore inimicorum,
& in verbis suis monstra pla-
cavit.

HYMNUS.

Superba tecta civium,
Vulgi coronas mobilis,
Et detrahentes circulos
Vitare, Fructe, cogitas.

Occulta eremi penetras,
Lates cavernis abditus,
Mundi ut nocentis oculos,
Ut Basilisci fugias.

Te solitudo recreat,
Tranquillitatis socia,

Vita mundanis horrida,
Cœlestibus gratissima.

Montis cacumen ardui
Per semitas difficiles
Ascendis, ut pervenias
Victutis ad fastigium.

Gloria tibi, Domine,
Fœcundæ fructus Virginis,
Qui ligni vitæ fructibus
Beatum Fructū reficis. Amē.

v. Amavit cum Dominus,
& ornavit eum.
r. Stulam gloriæ induit eū.

Ad Magnificat.

Ant. Respexit Dominus hu-
militatem servi sui, & ma-
gnificavit eum: suscepit
eum in pace, & dedit illi co-
ronam gloriæ.

Oratio.

Adesto, Domine, po-
pulo tuo, ut Beati Fru-
cti Confessoris tui merita
præclara suscipiens, ad im-
petrandam misericordiam
tuam semper ejus patrocinii
adjuvetur. Per Dñm. & c.

*

Et

Et fit com. Ss. Chrysanthi, & Daria M. ut in Brev.

AD MATUTINUM.

Invitatorium.

Laudemus Deum nostrum

* In confessione B. Fructi.

Psalm. Venite exultemus.

Hymnus.

UT montis alti verticem
Calcare Fructu cōtigit,
Atque inde tamquãe specula
Videre terræ incommoda:

Totum Deo se devovet,
Virtutis armis cingitur,
Corpus premit jejunio,
Cor pane Cœli reficit.

Munitus his præsiidiis
Retundit arma Dæmonis,
Mauros furentes territat
Vir inclytus miraculo.

Excelsa montis percutit,
Divisit rupem baculo,
Profundum vallis cernitur,
Terrore victis hostibus.

Gloria tibi, Domine,
Fœcundæ fructus Virginis,
Qui ligni vitæ fructibus,
Beatum Fructū reficis. Amē.

IN I. NOCTURNO.

Ant. Plantatus secus decur-
sus aquarum fructum suum
dedit Fructus in tempore suo.

Psalm. Beatus vir, de *Communi*
Conf. non Pont.

Ant. Constitutus in monte
sancto Domini prædicavit
præceptum ejus, & gloriam
ejus.

Psalm. Quare fremuerunt, &c.

Ant. Voce mea ad Domi-
num clamavi, & exaudivit
me de monte sancto suo.

Psalm. Domine, quid mul-
tiplicati, & c.

v. Amavit eum Dominus,
& ornavit eum.

R. Stulam gloriæ induit eū.

Lectia i.
De libro Sapientiæ. *Cap. 4.*

Justus si morte, & c. de
Communi primo loco.

R. Beatus vir, qui inventus
est sine macula, & qui post
aurum non abiit, nec spera-
vit in pecuniæ thesauris.

* Ideò stabilita sunt bona
illius in Domino. v. Qui
potuit transgredi, & non est
transgressus; facere mala, &
non fecit. Ideò stabilita.

R. Fructum deduxit Domi-
nus per vias rectas: & osten-
dit illi regnum Dei: & dedit
illi scientiam Sanctorum.

* Et complevit labores illius.
v. Magnificavit eum in cons-
pectu gentium, & dedit illi
coronam gloriæ. Et com-
plevit.

R. Fructus germinavit sicut
lilium: * Et florebit in æter-
num ante Dominum. v. Plan-
tatus in domo Domini, in
atriis domus Dei nostri. Et
florebit. Gloria Patri. Et.

IN II. NOCTURNO.

Ant. Mirificavit Dominus
servum suum Fructum, &

exau-

Exaudivit eum (clamantem ad se.

Psalm. Cum invocarem. &c.

Ant. Admirabile est nomen tuum, Domine, quia gloria, & honore coronasti servum tuum, constituens eum super opera manuum tuarum.

Psalm. Domine Dominus noster, &c.

Ant. Dedit mihi pennas columbæ, elongavi fugiens, & mansi in solitudine.

Psalm. 54. Exaudi Deus orationem meam, & ne deperderis, &c. *ut in Psalt. Jer. iv. ad Matutinum.*

v. Os iusti meditabitur sapientiam.

Et lingua ejus loquetur iudicium.

Lectio iv.

Ex manuscriptis Ecclesie Segovienfis.

Fructus civis Segovienfis, mundi fugiens ille cebras, peccata, quibus implicata erat Hispania, perhorrescens, amplissimo patrimonio pauperibus distributo, in vastam eremum territorii Septem publicensis fecerit. Ubi à sæculi curis abstractus Angelicam vitam duxit, duobusque fratribus Valentino & Engratia comitibus adhibitis, monasticam vitam mirificè excoluit. Vix dici potest, quæ &

quanta sit loci asperitas, solum enim accipitribus pervia, juniperis referta, Oasim magnam, vel Libyæ solitudines redolet. Ibi vigiliis, jejuniis, & orationibus intentus, pro suis, & totius populi peccatis assidue Dominum deprecabatur. Corporeque longa inedia, cilicio, & cameunia in servitutem spiritus redacto, in maximam coelestium pervenit contemplationem.

iv. Cum viderem iniquitatem, & contradictionem in civitate, elongavi fugiens, & mansi in solitudine: * Ut salvum me faceres à pusillanimitate spiritus, & tempestate. *v.* Dedisti mihi, Domine, domum in solitudine, & tabernaculum meum in terra salsuginis. Ut salvum.

Lectio v.

Quibuscumque, & aliis præclaris virtutibus auctus, Deo dilectus, hominibus charus, Sarracenis Fidei inimicis insensus esse coepit, quos ille zelo fidei accensus, à nefaria Mahometi secta opere, & sermone avertere conabatur. At illi, universa jam Australi Hispania vastata, reliquas civitates, templa, ipsam religionem populabundi, immenso eum occidendi flagrantis desiderio, ad pau-

* 2

perem

†
perem ejus cellulam acce-
ferunt. Ille autem divina ful-
tus virtute, martyrii cupidif-
simus, illis obviam factus
(Deo sic volente) non solùm
ictus impiorum evasit, sed
rupis interruptione (quæ ad-
huc integra perseverat) elu-
sit: jureque cum Propheta
occinuit: Non timebo millia
populi circumdantis me,
quia Dominus susceptor
meus.

R. Omnes gentes circue-
runt me: * Et in nomine
Domini, quia ultus sum in
eos. v. Circumdederunt me
sicut apes in spinis. Et in
nomine.

Lectio vi.

MUltis ergo pro Chri-
sto exactis laboribus,
tandem plenus dierum, pro-
vectæque ætatis, annum
agens septuagesimum ter-
tium, octavo Kal. Novem-
bris, anno salutis septingen-
tesimo decimo quinto ob-
dormivit in Domino. Cujus
mors quamplurimis est no-
bilitata miraculis. Multi
enim à variis languoribus
detenti, ejus intercessione
pristinam salutem adepti
sunt. Inter quæ illud est mi-
rabile, quòd mulier, quæ de-
votionis ergo monachis Mo-
nasterii (quod ex cellula fan-
cti Viri munificentia Regia

erectum est) inserviebat, ob
zelotypiam viri ex altissimo
loco præcepta data, incolu-
mis, & illæsa avaserit, ma-
gnificans Deum, qui glorio-
sus est in Sanctis suis. Unde
factum est, ut recepta ex
Mauris inclyta civitas Se-
goviensis, & post multa
temporum curricula quasi
jure postliminii in Cathe-
dralem restituta, sub Calix-
to Secundo, anno Domini
millesimo centesimo vigesi-
mo tertio eum titularem si-
bi asciverit, de tantoque
Patrono gloriatur. Cujus
auspiciis ingentia à Domino
quotidie percepit beneficia;
quem decet gloria, & impe-
rium in sæcula sæculorum;
Amen.

R. Consolabitur Dominus
servum suum, & ponet de-
sertum ejus quasi delicias, &
solitudinem ejus quasi hor-
tum Domini. * Gaudium,
& lætitia invenietur in ea,
gratiarum actio, & vox lau-
dis. v. Lætabitur deserta, &
invia: & exultavit solitudo,
& florebit quasi lilium. Gau-
dium, & lætitia. Gloria Patri
Gaudium.

IN III. NOCTURNO.

Ant. Domine iste Sanctus
habitabit in tabernaculo
tuo, & requiescet in monte
sancto tuo.

Psalm.

Psalm. Domine, quis habitabit, & c.

Ant. Desiderium cordis ejus tribuisti ei: posuisti in capite ejus coronam de lapide pretioso.

Psalm. Domine, in virtute tua, & c.

Ant. Innocens manibus, & mundo corde ascendet in montem Domini: stabit in loco sancto ejus.

Psalm. Domini est terra, & c.

✠. Lex Dei ejus in corde ipsius.

R. Et non supplantabuntur gressus ejus.

Lectio S. Evangelii secundum Matthæum. c. 19.

Lectio vii.

In illo tempore: Dixit Simon Petrus ad Jesum: Ecce nos reliquimus omnia, & secuti sumus te; quid ergo erit nobis? Et reliqua.

Homilia S. Bernardi Abbatis.

Declam. in Evang. huj. verbis.

Arbitror, verba lectionis hujus ea esse, de quibus ad immortalē sponsam à finibus terræ clamat Ecclesia: Propter verba labiorum tuorum ego custodiui vias duras. Hæc nempe sunt verba, quæ contemptum mundi in universo mundo, & voluntariam persuasere hominibus paupertatem. Hæc sunt, quæ Mo-

nachis claustra replent, deserta Anachoretis. Hæc, inquam, sunt verba, quæ Egyptum spoliant, & optima quæque ejus vasa diripiunt. Hic sermo vivus, & efficax, convertens animas foelicæ æmulatione sanctitatis, & veritatis promissione fideli.

R. Euge serve bone, & fidelis, quia super pauca fuisti fidelis, supra multa te constitutam: * Intra in gaudium Domini tui. ✠. Domine, quinque talenta tradidisti mihi, ecce alia quinque superlucratus sum. Intra in gaudium.

Lectio viii.

Nam & mundus transit, & concupiscentia ejus: & relinquere hæc magis expedit, quàm relinquere. Ecce, inquit, nos reliquimus omnia, & secuti sumus te. Nimirum, quia exultavit ut Gigas ad currendam viam: nec currentem sequi poterat oneratus. Sed neque inutilis commutatio pro eo, qui super omnia est, omnia reliquisse. Nam & simul cum eo donantur omnia, & ubi apprehenderis eum, erit unus ipse omnia in omnibus, qui pro ipso omnia reliquerunt. Omnia sanè dixerim, nō tantum possessiones, sed & cupiditates, & eas

ma-

maximè. Plus enim concupiscentia mundi, quam substantia nocet.

re. Vos, qui reliquistis omnia, & sequuti estis me: * Centuplum accipietis, & vitam æternam possidebitis. *v.* Cùm sederit filius hominis in sede majestatis suæ, omnes, qui reliqueritis patrem, aut matrem, aut agros propter eum: Centuplum. Gloria Patri. Centuplum.

Lectio nona dicitur de ss. Chrysostho, & Daria M. ut in Breuiario.

¶ Si verò hoc Festum transferri debeat in alium diem, & in eo non occurrat aliquod Festum simplex, vel Vigilia, de quibus Lectio nona dicitur debeat, & ubi est Patronus dicitur seq. Lect.

Lectio ix.

A Ge ergo, qui relinqueris uniuersa disponis, te quoque inter relinquentia narrare memento: imò verò maximè, & principaliter abnega te ipsum, si deliberas sequi eum, qui exinanivit propter te se ipsum. Pone gravissimam sarcinam pone assinariam molam, terrenam molam. Pone illa quinque, non hominum planè iuga, sed homini, quæ tibi inipienter emisti, alioquin sequi spon-

sum, & venire ad nuptias spirituales, quoniam hac pressus, & oppressus corporis sensualitate, non poteris: sed etsi novissimè veneris, & pulsaveris, minimè profectò aperietur tibi. Te Deum laudamus.

A D L A U D E S,

& per Horas.

Añ. Dicite Fructo, quoniam benè fructum ad inventionum suarum comedet. *Psalm.* Dñs. regnavit, cum reliquis de Dominica.

Añ. Date ei de fructu manuum suarum, & laudent eum in portis opera ejus.

Añ. In terra deserta, & in via apparuit mihi Dominus, ut viderem virtutem suam, & gloriam suam.

Añ. Pinguescent speciosa deserti, & humiles corde benedicent Domino.

Añ. Beneplacitum fuit Domino in seruo suo Fructo, & exaltavit mansuetum in salutem.

Capitulum. Eccl. 45.

Dilectus Deo, & hominibus, cujus memoria in benedictione est: similem illum fecit in gloria Sanctorum, & magnificavit eum in timore inimicorum, & in verbis suis monstra placavit.

Hymnus.

JAm plenus annis, proximus

Vitæ fugacis ultimo,
Solve catenis corporis,
Et esse cum Christo cupit.

Maturus ævo præcoces
Offerre fructus appetit,
Deoque grates reddere,
Ut terra cultori suo.

O Fructe, flos, & arboris
Propago fœcundissima!
Cujus sub umbra Civitas
Segoviensis recubat.

Tuis obumbra civibus,
Ut absit æstus criminis,
Illisque ut afflet impetra
Coelestis aura Pneumatis.

Gloria tibi, Domine,
Fœcundæ fructus Virginis,
Qui ligni vitæ fructibus
Beatum Fructum reficis.

Amen.

✠. Justum deduxit Dominus
per vias rectas.

℞. Et ostendit illi regnum
Cæli.

Ad Benedictus.

Ant. O Beate Fructe, dulcis
patrone, advocate fidelis!
Tu gloria Ecclesiæ, lætitia
Civitatis, honorificentia
populi nostri: verè fructus
terræ, quam visitavit Oriens
ex alto.

Oratio. Adesto, Domine,
populo tuo, ut *supr.*

Et sit *Commem. ss. Chrysanthi,*
c. c. M. ut in *Breviar.*

Ad Tertiam.

Ant. Date ei.

Cap. Dilectus Deo, ut *supr.*
℞. *br.* Amavit eum Domi-
nus: ✠ Et ornavit eum.
Amavit. ✠. Stulam gloriæ
induit eum. Et ornavit.
Gloria Patri. Amavit eum
Dominus.

✠. Os justi meditabitur sa-
pientiam. ℞. Et lingua ejus
loquetur judicium.

Ad Sextam.

Ant. In terra deserta.

Capitulum.

IN fide, & lenitate ipsius
sanctum fecit illum Do-
minus, & ostendit illi glo-
riam suam, & dedit illi cor
ad præcepta, & legem vitæ,
& disciplinæ.

℞. *brev.* Os justi. ✠ Medita-
bitur sapientiam. Os justi.
✠. Et lingua ejus loquetur
judicium. Meditabitur sa-
pientiam. Gloria Patri. Os
justi.

✠. Lex Dei ejus in corde
ipsius. ℞. Et non supplantabuntur
gressus ejus.

Ad Nonam.

Ant. Beneplacitum fuit.

Capitulum.

Custodivit eum Domi-
nus ab inimicis, & à
seductoribus tutavit illum,
& certamen forte dedit ei, ut
vinceret, & sciret, quoniam
omnipotentior est sapientia.

℞. *br.*

R. br. Lex Dei ejus. * In corde ipsius. Lex Dei ejus.

V. Et non supplantabuntur gressus ejus. In corde ipsius. Gloria Patri. Lex Dei ejus.

V. Justum deduxit Dominus per vias rectas.

R. Et ostendit illi regnum Dei.

In 2. Vesperis omnia dicuntur, ut in primis Vesp.

Ad Magnificat.

Añã. Hodie Fructus, sarcina carnis deposita, Cœlum lætus ascendit. Hodie fortis athleta, victo mundo, comitantibus Angelis, coronatur. Hodie fidelis servus talenta sibi credita duplicata reportans, in gloriam Domini sui gaudens introducitur. Alleluja.

Oratio, ut supra.

HISPANIARUM.

Sanctissimus Dominus Noster **BENEDICTVS XIII.** ad pias Serenissimi Regis Catholici, humill. m. s. que omnium serè Episcoporum, & Capitulorum Hispaniarum preces Sanctitati Suae porrectas, Officium proprium Sancti Fructi Confessoris, & Ecclesia Segoviensis Patroni, juxta approbationem à Sacra Rituum Congregatione die XXVII. Julii MDCIX. ad relationem claræ memoriæ Cardinalis Bellarmini factam pro universa Diocesi Segoviensi in universis Regnis, ac Dominiis ipsi Serenissimo Regi Catholico subjectis, ab omnibus Sacularibus, & Regularibus utriusque sexus, necnon à Clero Ecclesiarum Sanctorum Jacobi, Ildephonsi, & Sanctæ Mariæ de Montserrat Urbis singulis annis in Festo ejusdem Sancti, sub ritu duplici, servatis tamen Rubricis Breviarii, & Missalis Romani, recitari, & Missam respectivè celebrari posse, benignè indulget, atque concessit. Die III. Octobris MDCCXXIX.

N. Card. Coscia.

Loco ✠ Sigilli.

*N. M. Tedeschi Archiep. Apamen.
Sac. Rit. Cong. Secret.*